

正校

續

日本

後

紀

十七

十八


第十一號			
考備	月年	部全	別科
	明治	一	國
	年	〃	史
	月	冊	科



送養和十四年
至門十五年

改元嘉祥

特別
5
8539
9



特
門 5
號 8539
卷 9

續日本後紀卷第十七起十四年正月盡十二

太政大臣從一位臣藤原朝臣良房等奉 勅撰

廢朝

十四年春正月戊戌朔廢朝賀太雪也天天皇御

紫宸殿宴侍從已上賜御被○庚子天皇朝觀

太皇太后於冷然院宴五位已上賜祿有差○

甲辰天皇御紫宸殿宴于群臣詔授三品仲野

親王二品正四位下源朝臣弘從三位從四位

下橘朝臣岑繼從四位上正五位下長田王從

四位下從五位上有雄王正五位下從五位下

叙位

豐前王從五位上无位磯江王正六位上高毅
王並從五位下無位源朝臣勤從四位上正五
位下興世朝臣書主從四位下從五位下藤原
朝臣氏雄永原朝臣末繼藤原朝臣仲統伴宿
禰善男並從五位上外從五位下物部首廣泉
正六位上南淵朝臣穎守橘朝臣安吉雄伴宿
禰直統紀朝臣負丘坂上大宿禰負守橘朝臣
直繼紀朝臣全吉藤原朝臣冬緒紀朝臣好雄
高橋朝臣祖繼藤原朝臣安雄筥朝臣出羽麻

呂安倍朝臣忠雄百濟王安宗藤原朝臣潔椎
大中臣朝臣真主淡海朝臣豐庭丹墀真人善
雄石川朝臣貞成佐伯宿禰屋代並從五位下
正六位上豐任朝臣永貞伴吉田連宗春日部
雄繼三統宿禰真淨讚岐朝臣高作並外從五
位下宴竟賜祿有差○乙巳於大極殿修最勝
會○己酉從三位源朝臣定從四位下小野朝
臣篁並為參議從四位下藤原朝臣嗣宗為左
中辨從五位上伴宿禰善男為右中辨從五位

除目

源朝臣定卷九
卅丁參議云々
有如何

源加臣朝臣卷十二
世丁為近江守事
既出如何

下藤原朝臣冬緒為右少辨正四位下源朝臣
勲為近江守參議從四位上藤原朝臣助為兼
下野守治部卿如故從五位下藤原朝臣並藤
為兼加賀守陰陽頭如故正四位下源朝臣明
為兼越中守刑部卿如故○庚子最勝會竟更
引名僧十餘人於禁中令論議訖施御被○癸
丑天皇御紫宸殿宴侍從已上覽蹈歌訖賜祿
有差○甲寅天皇御豐樂殿觀射○丁巳天皇
內宴於仁壽殿教坊奏態公卿獻詩如常竟賜

召流人

祿有差△二月丁卯朔丙子有勅召配流人前
駿河國權介從五位下藤原朝臣亮直前越後
國權守從五位上藤原朝臣貞守前伯耆國權
介從五位下藤原朝臣近主前安藝國權介從
五位下藤原朝臣正世并諸國六位以下人等
六十二人令入京○丁丑^正四位^下田口朝臣
佐波主為神祇伯從五位下藤原朝臣春置為
少納言從五位下橘朝臣海雄為左少辨從五
位下紀朝臣筑紫磨為太監物從五位下菅野

陰目

山代宿祢氏益
卷十三丁為
山城介由見如荷

朝臣高年為內匠頭從五位下安倍朝臣忠雄
為圖書頭外從五位下善友宿禰額主類為大學
博士從四位下時宗王為治部大輔從五位下
藤原朝臣貞敏為雅樂頭從四位下基兄王為
民部大輔從五位下丹墀真人貞岑為少輔外
從五位下都宿禰貞繼為主計頭外從五位下
清內宿禰園繼為主稅頭從五位下大和真人
吉直為兵部少輔從五位下和氣朝臣齊之為
刑部少輔從五位上藤原朝臣貞本為大藏大
輔從五位下文室朝臣助雄為少輔從五位上
坂上大宿禰正野為宮內大輔從五位下滋野
朝臣善蔭為掃部頭從五位下清原真人清海
為典藥頭外從五位下出雲宿禰全繼為造酒
正從四位上源朝臣寬為右京大夫從五位下
安倍朝臣甥磨為兼鑄錢使長官周防守如故
從五位上藤原朝臣氏宗為兼右衛門權佐式
部少輔如故外從五位下山代宿禰氏益為山
城介從五位上路真人永名為備前守○戊寅

無品時子内親王薨遣兵部大輔從四位下豐江王彈正大弼從四位上橘朝臣永名兵部少輔從五位下大和真人吉直左京亮從五位下飯高朝臣永雄等監護喪事親王者天皇之皇女十六○壬午春宮坊言内外考舍人一百人隨闕補替歷代行來而考養和十年四月十九日第備外考補坊舍人同舍人遷任色及依理解却之類每年四十人特聽出入被拘此格不得補替望世人之内因循舊例隨闕遞補者勅許之

乙未條類聚
三代格才八太
政官符之文
有

姓

○十八甲申擇有智行者於延曆寺始置定心院十禪師勅曰僧等每日各轉大般若經二卷共盡一部終而復始六時亦如法修行其預宮中最勝會并臨時公請者廻到之後隨日追填轉經之數十禪師若有關擇才行共備人衆所推者申官補之○乙未廿九日周防國鑄錢司言遷古司家東方浮上山者許之遂伐樹木也△三月丙申朔肥後國飽田郡人從三位大藏卿平朝臣高棟家令正七位上建部公弟益男女等五人賜

姓長統朝臣貫附左京三條○丙午請僧六十
 四口沙彌六十四口於清涼殿轉讀大般若經
 召僧十七口沙彌廿一口於常寧殿修真言法
 為鎮物氣也○戊申雄雉自東方飛來集主殿
 火廬前從渠西走入閣門中右近衛六人接得
 視之體中無傷羽毛全整矣○己酉放佐雜於
 北野高飛遠去○辛亥讀經畢施度者各一人
 及御被○甲寅阿波國言停讀師者聽之△閏
 三月丙寅朔己巳天有鳴聲餘響殷殷良久而

止○戊寅群鳥億萬繞日上下自日中到黃昏
 仰看空中不知何鳥○己卯天皇御八省院奉
 遣幣於伊勢太神宮○庚辰請僧八百口於城
 中講仁王經其咒願文曰夫識之所識曷嘗非
 識知之所知未始不知是故能行而所行兼空
 則攝受之理廢自性而無性不異則執取之念
 忘唯斯仁王護國般若波羅蜜經者施慈敷愛
 之奇法避難安利之神符頌之有用則人鬼調
 和廢而不行則龍神怨怒者矣聖朝罪身尅已

常慮天下不召之灾憂國思民猶恐四海莫來
 之外即會百官先申齊禁高座開百僧徒及千
 一日二時於王城中演說此大衆檀裹紫極暫
 為香花之四廬灑掃青宮更作涼燠之三殿上
 林羽獵之苑今惟歡喜昆明漁釣之池皆是阿
 耨微音漸振如象池之今日新來妙義初披似
 龍宮之昔時未秘伏願十方諸聖八部靈祇向
 仁王之寶鏡以護國為身謀推梵帝之金輪以
 除灾為已任縱有含冤衆鬼不義群神變風雨
 而為逆起木石而作恠而猶感此汪汪之化從
 彼浩浩之權反咎為休應時草靡然則宸階絕
 秋毫之警玄廡無露寢之勞玉燭長懸與仙豫
 而無蔽神珠在握將聖慮而彌照環丘之鵲投
 穗彰於有年楚庭之羊銜粟表於豐歲禍何在
 而不消福何之而不至諸夫共歡衆民俱樂久
 為帝王之人同入仁壽之境左京人戶主御支
 王男无位廣野大野戶主武藏王男福雄春雄
 真野安野等王六人賜姓淡海真人也右京人

姓

右少史從六位下山口忌寸豐道薩摩目大初
位下山口忌寸奧道散位從八位上山口忌寸
貞道婦人山口忌寸周子恒子等五人並改忌
寸賜朝臣焉豐道等後漢靈帝曾孫阿知王苗
裔也左京人正五位下豐峯真人廣龍言賜淨
廣壹高市親王之子足屋王娶大納言從二位
文室淨三真人女生正六位上次田王男阿上
王娶從五位下文室真人正嗣女生廣龍須尋
因生之義同賜文室姓而況廣永等不認祖宗

田口佐波主卒

以去延曆廿四年賜豐峯真人姓今據彼世數
改賜姓文室朝臣○戊子神祇伯正四位下田
口朝臣佐波主卒也詔贈從三位以嵯峨太皇
太后之外戚也是月數數有群鳥アムルコロヒ遜明自西方
度東方其多覆天終始不見訪諸故老皆云未
曾聞之者△夏四月乙未朔宴侍從已上於紫
宸殿賜祿有差○庚子鸞輿臨于神泉苑賜侍
臣祿有差○癸卯近江國蒲生郡俘囚外從七
位下介散南公延多孝外從八位下宇漢米公

群鳥

親子內親王

陰日

傳任

阿多奈磨並授外從五位下以勲功之苗裔也
 ○乙巳^{十一}親子內親王初筭宴親王已下侍從已
 上於內裏非侍從及未得解由大夫皆預飲筵
 宴訖賜被○丁巳^{廿三}以從四位下小野朝臣篁為
 彈正大弼從四位上橘朝臣永名為神祇伯權
 律師真濟為律師大法師真紹為權律師△五
 月乙丑朔己巳天皇御武德殿觀馬射○甲戌^十
 以從四位下時宗王為大學頭從五位下菅原
 朝臣是善為兼東宮學士大內記如故○乙亥^{十一}
 於清涼殿行莊子竟宴先是帝受莊子於文章
 博士從五位上兼備中春澄宿禰善繩是日
 引善繩宿禰殿上殊酌恩杯行束脩之禮令左
 右近習臣各賦莊子一篇管絃交奏酣暢為樂
 庭燎晰晰賜善繩宿禰御衣二襲自外之物亦
 稱是也賜近臣祿各有差當代儒者共以為榮

莊子竟宴

藤原豐主卒

○辛巳^{十七}散位從四位下藤原朝臣豐主卒○壬
 午賑給左右京飢民以雨久不止也○丙戌^{廿二}授
 白丁膳臣立是正七位上立是若狹國百姓也

代窮民輸塩五斛庸米百五十二斛准緡四千
六百八束○^{廿七}辛卯皇帝引文章博士春澄宿禰
善繩於清涼殿始讀漢書是日毀前左大辨從
四位上正躬王左中辨從四位下伴宿禰成益
右中辨從五位上藤原朝臣豐嗣左少辨從五
位下藤原朝臣岳雄等四人位記各一階緣受
推法隆寺僧善愷違法訴狀也△^大六月甲午朔
丙申大風發屋折木雨亦降入夜彌猛○^四丁酉
遣使奉幣於松尾大神祈之○^{十一}甲辰常陸國新

立產三子

白氣

紀名虎卒

治郡人三村部綿女一產二男一女賜正稅稻
三百束乳母一人○^{十三}乙巳暴雨如懸河此夜月
暈之外有白氣繞之○^{十六}乙酉散位正四位下紀
朝臣名虎卒○^{廿二}甲寅霖雨止息先是左相撲司
伐葛野郡家前槻樹作大鼓有崇由是奉幣及
鼓於松尾大神以祈謝用鼓牛皮十二張一面六張△秋七
月甲子朔從五位下淡海真人豐庭為若狹守
○^二乙丑賜左相撲司印一面○^三丙寅置春宮坊
監署六司史生各二員○^八辛未天台留學僧圓

丁卯修造攝津國大

官社

依羅社住吉郡肥後國阿蘇郡國造神為官社焉減省

日向國俘囚祿料稻十萬七千六百束以俘囚

僧惠萼歸朝

死盡存者負少也○辛未天台留學僧圓載倭

從仁好及僧惠萼等至自大唐上奏圓載之表

狀唐人張友信等廿七人同乘而來著○壬申

加安房國火神并從祭神正稅穀一百斛○戊

寅太上天皇之國忌也天皇延名僧於清涼殿

講法華經事竟施御被○甲申右京人六世賀

我王七世真茶王等十三人賜御高真人姓忍

壁親王後也○丙戌奉白馬幣帛於丹生川上

雨師令祈止雨○己丑奉授正四位下勳二等

松尾大神從三位餘如故致仕參議正三位藤

原朝臣經繼藤原經繼經繼者參議正三位勳二等式

部卿兼太宰帥宇合之孫參議從三位勳二等

太宰帥藏下曆之第五子也延曆廿二年正月

叙從五位下弘仁元年授正五位下五年四月

叙從四位下職歷內外兵部大輔右京大夫左

兵衛督武藏相摸守天長之初拜參議任兵部

神位

藤原經繼藤原經繼

卿五年叙正四位下七年授從三位致仕閑卧
 山井里第兼和七年叙正三位年八十五而終
 △八月癸巳朔宴侍從已上於紫宸殿賜祿有
 差○丙午始置施藥院史生四員○丁未越前
 國丹生郡人大學助教外從五位下春日部雄
 繼等二人刊部字為春日臣兼除邊籍貫左京
 山城國愛宕郡人散位從五位下山代宿禰祖
 繼等五人改本居貫左京三條○己酉遠江國
 養原郡人秦成女一產二男一女賜正稅稻三
 百束及乳母一人○癸丑西京衛士町定燒百
 姓廬舍世餘烟△九月癸亥朔丁卯以散位從
 五位上藤原朝臣宮房為中務大輔○辛未是
 重陽之節也天皇御紫宸殿宴于親王已下侍
 從已上但召非侍從諸司綠衫知文者如常同
 賦草木言之題宴訖賜祿有差○庚辰入唐奉
 法僧慧雲獻孔雀一鸚鵡三狗三○庚寅山城
 國愛宕郡空閑地一町八段賜散位正六位上
 讚岐朝臣永成△十月癸巳朔授正六位上安

十二

姓

贈官位

班田使

雙丘授位之事

神位

有智子内親王薨

陪朝臣長谷從五位下上野國那波郡人左近衛府將監正六位上檜前公經生賜姓上毛野朝臣兼貫左京四條○甲午遣唐天台請益圓^僧仁及弟子二人唐人廿二人到自大唐○丁酉^六詔贈大納言從三位攝朝臣奈良曆更贈太政大臣正一位崇帝戚也○乙酉^{十八}從五位下藤原朝臣高直為班田使次官從五位上笠朝臣年嗣為大和次官從五位上藤原朝臣貞守為河內和泉次官從五位下藤原朝臣直世為攝津次官○辛亥授雙丘東墳從五位下此墳在雙丘東天皇遊獵之時駐蹕於墳上以為四望地故有此恩○壬子^{廿一}雙丘下有池池中水鳥成群葉駕臨幸放鷓鴣集拂之左大臣源朝臣常山庄在丘南因獻御贄賜扈從臣等饌○甲寅^{廿三}奉授備中國无位吉備津彦命神從四位下○乙卯^{廿四}以從五位下攝朝臣仲村曆為紀伊介○戊午^{廿六}二品有智子内親王薨遺言薄葬兼不受葬使内親王者先太上天皇幸姬王氏所誕

育也頗涉史漢兼善屬文元為賀茂齋院弘仁十四年春二月天皇幸齋院花宴俾文人賦春日山庄詩各探勒韻公主探得塘光行蒼即瀝筆曰寂寂幽庄山樹裏仙輿一降一池塘栖林孤鳥識春澤隱澗寒花見日光泉聲近報初雷響山色高晴暮雨行從此更知恩顧渥生涯何以答穹蒼天皇歎之授三品于時年十七是日天皇書懷賜公主曰忝以文章著邦家莫將榮樂負煙霞即今永抱幽貞意無事終須遺歲華

神位

緒繼女王薨

尋賜召文人料封百戶天長十年叙二品姓貞潔居于嵯峨西庄薨時春秋四十一〇己未鷺集春興殿上十一月癸亥朔丙寅奉授陸奧國無位宇奈己召別神從五位下〇己巳尚藏從二位緒繼女王薨女王能有妖媚之德淳和太上天皇殊賜寬幸令陪宮掖薨時遺命不受葬使于時年六十一〇辛未天北有聲如雷〇癸酉奉授尾張國无位天縣天神真清田天神中嶋郡二前並從五位下〇己卯分遣使京師及畿內

神位

十四

仕僧

神位

大寺卅六所誦經修福○壬午人定之時有如
 流星者自西殞東其光赤廣二町餘長十許丈
 ○癸未^廿屈五十僧於清涼殿日轉金剛般若夜
 修十一面法兼令十四口僧修息災法於真言
 院並以三箇日為限焉○十二月壬辰朔癸巳
 以律師傳燈大法師位長訓為少僧都大法師
 道雄為律師○癸卯^{十三}奉授河丹國丹比郡死位
 丹比神從五位下○乙巳^{十四}從五位下紀朝臣全
 吉為主殿頭從五位上百濟王慶世為齋院長

橘氏公薨

官○庚戌^{十九}右大臣從二位橘朝臣氏公薨遣中
 使於第詔贈從一位遣參議從四位上行式部
 大輔兼勘解由長官滋野朝臣貞生從四位下
 行治部大輔房世王等監護喪夏氏公者贈太
 政大臣正一位清友朝臣之第七子也弘仁之
 初任左衛門大尉六年叙從五位下尋轉佐八
 年十月加正五位下任但馬守十一年叙從四
 位下頻加階級十四年至正四位下天長十年
 授從三位為右近衛大將六月加從二位任右

大臣移病居第不視世事以木后弟歷此顯要
焉廿五年六十五○丙辰勅大和國城上郡長谷
山寺高市郡壺坂山寺元來靈驗之蘭若也宜付
所由編為定額永以官長令檢校也

續日本後紀卷第十七

續日本後紀卷第十八起十五年正月盡嘉祥元年十二月

太政大臣從一位臣藤原朝臣良房等奉勅撰

十五年春正月壬戌朔天皇御大極殿受朝賀
皇太子不朝緣病也廼御紫宸殿宴侍從已上
賜御被○乙丑聖躬微不調適尋乃安豫是日
仰七道諸國貢身長六尺已上者○戊辰天皇
御紫宸殿饗百官詔授無品良負親王人康親
王並四品正五位上峯成王從四位下從五位下嶋江王
從五位上正六位上永直王久須野王並從五

位下從四位下藤原朝臣嗣宗從四位上正五位下長岑宿禰高名清岑朝臣門繼藤原朝臣諸成從五位上伴宿禰善男並從四位下從五位上春澄宿禰善經藤原朝臣氏宗並正五位下從五位下丹墀真人諸氏平朝臣春香並從五位上外從五位下善友朝臣穎主豐任朝臣永貞正六位上源朝臣慥无位源朝臣舒正六位上攝朝臣常蔭良岑朝臣正直攝朝臣主雄巨勢朝臣河守藤原朝臣諸數攝朝臣高宗淡

海朝臣弘岑藤原朝臣秀道丹墀真人經主紀朝臣興我業佐伯宿禰雄勝安陪朝臣真カ施カ笠朝臣紫主賀茂朝臣東守八多朝臣安嗣大枝朝臣音人並從五位下正六位上高岳宿禰武主榎井朝臣嶋公豐階公安人安墀宿禰豐額朝原宿禰良道神直虎主並外從五位下宴訖賜祿有差○己巳於大極殿修最勝會是日叙從五位下藤原朝臣泉子從五位上攝朝臣鎮子藤原朝臣指南文室朝臣近子出雲臣成子

陰目

並從五位下神門臣當繼外從五位下○辛未
天皇御紫宸殿勅授參議正四位下安倍朝臣
安仁從三位以大納言正三位藤原朝臣良房
為右大臣右近衛大將如故中納言正三位源
朝臣信為大納言參議從三位左大辨源朝臣
弘參議從三位行右大辨春宮大夫安倍朝臣
安仁並為中納言左近衛中將從四位下藤原
朝臣良相為參議○甲戌天皇御紫宸殿以參
議從四位下小野朝臣篁為左大辨兼信濃守

小野管三六番系十丁
為勘多長官在籍
信濃守如故下有和
何

勘解由長官如故中納言從三位安倍朝臣安
仁為兼民部卿春宮大夫如故參議從四位上
藤原朝臣長良為左衛門督參議從四位上藤
原朝臣助為兼左兵衛督彈正大弼下野守如
故從五位下佐伯宿禰雄勝為右馬頭外從五
位下高岳宿禰武主為山城介從五位下藤原
朝臣關主為攝津守外從五位下榎井朝臣鳴
公為參議從三位源朝臣定為兼尾張守中務
卿如故從五位下藤原朝臣高直為駿河守外

從五位下氷宿禰繼曆爲介四品時康親王爲
常陸太守從五位下和朝臣豐永爲安房守從
五位上藤原朝臣官房爲美濃守從五位上藤
原朝臣安永爲越中守外從五位下安塚宿禰
豐額爲介從五位下淡海真人弘峯爲丹後守
外從五位下縣連代益爲播磨權介從五位下
橘朝臣高宗爲美作介從五位上藤原朝臣貞
守爲備中守從五位上紀朝臣^經雄爲安藝守
正四位下源朝臣明爲兼阿波守刑部卿如故
從五位下安倍朝臣忠雄爲讚岐介從五位上
豐前王爲伊勢守從五位上在原朝臣行平爲
兼介右近衛少將如故外從五位下秦忌寸福
代爲兼土佐大目一品葛原親王家令如故○
乙亥最勝會訖更引諸宗名僧十餘人於丹裏
令論議畢施御被○丁丑^{十六}天皇御紫宸殿宴侍
從已上覽踏歌訖賜祿○戊寅^{十七}大臣奉勅率百
官觀射禮於豐樂院○己卯^{十八}天皇御丹裏射場
閱覽四衛府賭射○辛巳^{二十}上幸神泉苑放隼獲

記

水鳥百廿翼，日暮賜侍從已上祿。○壬午上御，
仁壽殿內宴如常殿前，紅梅便入詩題，宴訖賜
祿有差。○癸未正三位守右大臣兼行右近衛，
大將藤原朝臣良房上表請退大臣職，曰：臣同
綿蠻疊，翫長謝，乘天之遊類，歎段兼行，遂非逐
日之用，是知力所不逮，不可假之多名，才所不
通，不可責之以効。臣以菲磷，本謝聲華，幸籍時
議，早參藩邸，聖主加其簪履之恩，採其錐刀之
末，使位均龍作，議接台衡，深息靡際，淺効無酬，
竊位素餐之慙，未嘗一日忘心，不悟朝弊數覃，
榮忝更甚，端右之重，忽委愚臣，竊以百揆務殷，
三臺任切，惣被多士，弼茲萬機，自非博雅量樂，
廣清規，未猶亦懼不克，堪況於淺中，浮植者乎？
臣欲碎破頭顱，欽載國命，義在損身，衆謗非辱，
但懼康鈞非器具，瞻失望則鬼瞰，得便人指，歸
咎伏願，垂察丹翹，曲留白揆，時收渙汗，更擇賢
才，則上有成物之慈，下無貪榮之累，矣不任荒
悚之至，謹拜表以聞。天皇不聽。○乙酉右大臣

重上表曰臣良房言臣前表陳誠仰希哀察而
 宸居冲邈天顧不迺同飛鳥之遺音未知攸集
 似焦原之狂跟空自陪危臣聞器小而漏其覆
 不遲墻隙而高其墮必疾臣才能無紀績用罕
 聞素沐鴻新累塵榮序丘丘恩徒積涓涓之効
 靡酬常慙濫吹若陷塗炭况亦端揆之任惣貳
 天下苟非其器則家國招累若臣之庸流何用
 堪此職臣猶知其不可物其謂臣如何懼伐檀
 之刺更興於聖時濡翼之非亦出於昌運臣雖
 不敏猶識天恩庶竭丹忠以蒙玄化豈敢逡巡
 有所飾讓實以揣分量力非所克堪伏願矜其
 不逮察其深誠時廻虛授之恩賜許知足之分
 則補衮之美更便英賢負乘之災免鍾愚劣不
 任惶窘之至重拜表以上聞屢黷旒聽伏惶兢
 悚天皇不聽○庚寅有狂人欲闖入陰明門門
 街捕之將去△二月辛卯朔壬辰勅以從四位
 下伴宿禰善男為參議○癸巳參議從四位下
 小野朝臣重為班田使長散位從五位下

文室朝臣有真為次官參議從四位下伴宿禰
 善男為班河內和泉田使長官散位從五位下
 藤原朝臣近主為次官○甲午散位從四位上
 藤原朝臣雄敏卒○丁酉左大臣○^從二位源朝
 臣常上表請辭所帶左近衛大將之職天皇不
 許之○庚子上總國馳傳奏俘囚丸子廸毛等
 叛逆之狀登時勅符一通發遣一通賜上總國
 一通賜相摸上總下總等五國令相共對議○
 壬寅上總國馳驛奏斬獲反叛俘囚五十七人
 ○癸卯左大臣上表重請解大將不許之○甲
 辰以參議從四位下伴宿禰善男為右大辨從
 四位下藤原朝臣諸成為右中辨從五位下並
 山王為中務大輔從五位下大枝朝臣音人為
 大丹記從五位下橘朝臣高成為圖書頭從五
 位下中臣朝臣逸志為內藏頭從五位下良岑
 朝臣長松為縫殿頭從五位上藤原朝臣貞守
 為式部少輔三品賀陽親王為治部卿從五位
 上坂上大宿禰正野為大輔從五位下藤原朝

美作守如何可考

峯繼
卷十六三為兼右侍
門務相摸守如故
云々有不審

臣正世為少輔從四位下房世王為宮內大輔
 從五位上笠朝臣年副編為大膳大夫從五位下
 高穀王為內膳正正五位下藤原朝臣氏宗為
 春宮坊亮從五位下豐住朝臣永貞為齋宮頭
 外從五位下伴吉田連宗為勘解由使次官正
 四位下源朝臣融為兼右近衛中將美作守如
 故從五位下文屋朝臣有真為左衛門佐參議
 從四位上橘朝臣峯繼為相摸守右衛門督如
 故從五位下紀朝臣興我業為武藏權介從四
 位下藤原朝臣岳守為近江守從五位下巨勢
 朝臣河守為丹波介正五位下春澄宿禰善繩
 為兼備中守文章博士如故從五位下藤原朝
 臣近主為介從五位下橘朝臣真直為兼安藝
 介右近衛少將如故○十五乙巳請百僧於紫宸殿
 及清涼殿轉讀大般若經其由不詳○十八戊申讀經事
 畢施物如常更有勅施百僧度者各一人亦遣
 中使於八省院別試持經持咒拔萃者於是負
 笈杖錫オヒシヲツツキ自四方至者數百人就中及第者七十八

神位

賀茂祖市代
田之

餘人並聽待皆以延字居名上十九○乙酉奉授隱

岐國知夫郡天佐自比古命神從五位下廿一○辛亥正一

位勳一等賀茂御祖大社禰宜外從五位下鴨

縣主廣雄等歎云去天平勝寶二年十二月十

四日奉充御戶代田一町自爾以降未被奉加

因茲年中用途乏少請准別雷社加增御戶代

田一町勅許之奉授備中國從四位下吉備津賀夜郡

彥命神從四位上廿二○壬子地震聲如雷群犬驚

吠陸奧國磐瀨郡權大領外從七位上大部宗

成等特給職由以視良有方公勤匪懈也廿六○丙

辰聖躬不豫也大臣以下陪候陣頭是日宮城

坤角垣瓦無故頽落其響如雷△大三月庚申朔

河內國河內郡人大初位下秦宿禰世智雄賜

姓朝原宿禰五○甲子攝津國河邊郡人從八位

下益人等七人依漏姓字加賜連字是日永安

門西廊有火近衛及今良等競運水沃之即滅

初是作物所治師行火之所延也六○し五神泉

九

苑東垣瓦八丈餘無故頽落聲不異雷八○丁卯

姓

神位

辛巳條類聚長
格才五太政官符
之文有

陰目

大地顯ル震十三○壬申勅奉充山城國トクニ訓郡山崎
明神御戶代田二町伊豆淡路兩國飢遣使賑
給二十○己卯從五位下藤原朝臣秀道為安房守
從五位下和ヤト朝臣豐永為越中守○辛巳制
自外國官遷任京官未預奏前更任外職通計
前歷○乙酉天台宗入唐請益僧圓仁將弟子
僧性海惟正等去年十月駕新羅商船來著鎮
西府是日歸朝遣中使慰勞各施御被○丁亥
地震△四月庚寅朔上御紫宸殿皇太子侍為
公卿及侍從已上鐘鼓歌舞日暮賜祿有差五

姓

世无位春常王六世正六位下田上王正六位
下春世王等三人賜姓文室朝臣並天淳中原
瀛真人オキヒトノスメラミコト天皇第二皇子二品長親ナガノ王之後也○
壬辰地震以參議從四位上藤原朝臣助為彈
正大弼左兵衛督如故參議從四位下小野朝
臣葦為勘解由使長官左大辨信濃守如故○
甲午上幸神泉苑轉御冷然院次幸北野○壬
寅授正五位下橘朝臣百枝從四位下正六位

陰目
藤原助小野葦
等之任有不審
當卷或丁三可
見

叙位

上倉橋部直氏嗣外從五位下十四○癸卯本康親
 王及源朝臣冷於清涼殿冠焉並天皇遺體也
 本康親王同產柔子內親王亦初筭焉是日賜
 近習臣及侍從已上祿有差○甲辰遣內豎七
 人誦經諸寺○丙午上幸冷然院賜扈從親王
 及侍從祿○丙辰上御武德殿賜諸牧細馬
 兼令四衛二府驍才者騎射△五月己未朔日
 有蝕之○辛酉勅賜兵部卿四品忠良親王御
 劔○癸亥天皇御武德殿觀馬射○甲子四品

良貞親王俄薨焉淳和太上天皇第五皇子也
 由是天皇不御武德殿○乙丑聖體不豫也願
 使七寺同時誦經○戊辰上御武德殿閱覽種
 種武藝警蹕侍衛同六日儀○辛未奉授陸奧
 國從五位下勳九等刈田嶺名神正五位下餘
 如故陸奧國白河郡大領外正七位上奈須直
 亦竟權大領外從七位下勳九等文部宗成磐
 城團擬少教陸奧文部臣繼嶋權主政外從七
 位下文部本成信夫郡擬主帳大田部月麻呂

神位

姓

崇子内親王薨

標葉郡擬少領陸奥標葉臣高生伊具郡麻績
 鄉户生磐城團擬主帳陸奥臣善福色麻郡少
 領外正七位上勳八等同姓千繼等八烟賜姓
 阿陪陸奥臣○壬申從五位下橘朝臣安吉雄
 為侍從從五位下橘朝臣雄為宮内少輔○
 癸酉紀伊國在田郡為上郡以戶口增益課丁
 多數也無品崇子内親王薨淳和太上天皇之
 皇女也母橘氏云遣兵部大輔從四位下豐江
 王并五位三人監護葬事○己卯有勅賑給飢
 民匪置城中特置城陷危困之俗莫不慶賴○
 庚辰上幸冷泉院避暑是日地震奉授武藏國
 无位杉山名神從五位下○壬午太宰府獻白
 龜○丙戌外從五位下伴吉田連宗為大判事
 從五位下藤原朝臣秀道為大炊頭外從五位
 下山田宿禰文雄為勘解由次官外從五位下
 壬生忌寸永嗣為河内權介從五位上藤原朝
 臣氏範為遠江權守從五位下善友朝臣豐宗
 為上総權介△六月戊子朔連雨不停雨勢如

陰目

十二

史記高祖本紀其以下銚兵於諸侯壁猶居高屋之上建銚水也

建水 ○ 乙丑奉幣雨師神社以祈止霖雨 ○

庚寅越中國飢賑給正三位守右大臣兼行右近衛大將臣藤原朝臣良房上表曰臣先對鶴書自羞鵝翼一心憂結比表歸聞而皇天不仁遂收慈於辭職王事靡盬空耻於濫吹臣聞有非常之功受非常之福臣過以頑魯深沐聖恩官已崇而又重位已極而更加遂居三獨坐之尊當食二千戶之邑此榮也非臣本望此祿也但臣新意在於樹為再實之栽在禽為翰音之象顧此盈滿之外不寒自慄臣雖無深謀遠慮而猶知懷德載恩冀以端慤畏慎百身壹心上全大息下守微志長食雍穆之和終奉告成之禮豈敢坐安尸素多食封邑陷于招損之禍貽以不郎之嗟乎伏願 天聽不遠皇鑒照微殊降福謙之恩許還封戶之半然則重載之少減沉舟乍浮至盈而稍挹敬器更正不任惶窘征營之至謹昧死再拜以陳乞 天皇不許是日左大臣從二位兼行左近衛大將皇太子傳臣源

朝臣常正三位守右大臣兼行右近衛大將臣
 藤原朝臣良房大納言正三位臣源朝臣信中
 納言從三位臣源朝臣弘中納言從三位兼行
 民部卿春宮大夫臣安倍朝臣安仁參議從三
 位行中務卿兼尾張守臣源朝臣定班大和國
 田使長官參議從四位上式部大輔臣滋野朝
 臣貞生班攝津國田使長官參議從四位上行
 左兵衛督兼彈正大弼下野守臣藤原朝臣助
 參議從四位上行左衛門督臣藤原朝臣長良
 參議從四位上行右衛門督臣攝朝臣岑繼班
 山城國田使長官參議從四位下守左大辨兼
 勘解由長官行信濃守臣小野朝臣重參議左
 近衛中將從四位下臣藤原朝臣良相班河內
 和泉國田使長官參議從四位下守右大辨臣
 伴宿禰善男等上表言臣聞潛化非理物至則
 形玄感雖昧在幽必顯德之所極靈祇不能秘
 其福道之所格川岳無愛其實故盛水銜舟之
 瑞跡昇軒壇鳩淵負圖之祥光浮堯堵伏惟

皇帝陛下德冠神表道軼帝光握金鏡而照臨
愍環瀛而富有惇睦辨章之意是食兢懷寧人
濟俗之心夕惕興慮岳仁愛於万物施慈育於
群生寰寓無虞表裏清謐伏見太宰大戴從四
位上紀朝臣長江等奏併所管豐後國大分郡
擬少領膳伴公家吉於同郡寒川石上獲白龜
一枚經千里之荒徼入九重之震闈出自籠遺
放于庭墀既在眇瞻豈因敷奏質類凝霜形同
搏雪天憑異物而致瑞欲罄還出地假殊形而
見符在涅而不緇實曠古之嘉貺希代之偉觀
謹案禮含文嘉云外內之制各得其則山澤出
靈龜孝經援神契云王者德澤洽則神龜來孝
道行則地龜出能氏瑞應圖云王者不偏不黨
尊用耆老不失故舊德澤流洽則靈龜出後魏
書曰冀州獻白龜王者不私人以管尊耆任舊
無偏無黨之瑞也陛下帝德王功巍巍如彼
靈符嘉應之光如此千歲一至之祥查前王之
矩邈占惟新之會重列聖之規依據圖讎實合

大瑞加以龜生於金而遊於火今生得其正自
金方而來輪遊不憊時在火候而入貢未有色
將方叶時與正符如此之奇也皆天之氣食土
之毛莫不魚躍鳥飛抃舞皇極况臣等叨竊纓
冕忝列台衛荷恩既深情異凡百不任誠慶之
至謹而詣闕奉表賀聞○壬辰勅曰靈心演貺
佇休曆而必臻神道効禎在至仁而斯感是以
遊蓮瑞質表昌化於堯壇戲藻竒姿禎期於
軒浦朕嗣膺寶曆恭纂瑤圖道謝鴈行風慙雉
飲霄衣禹室空慙納阮之心盱食堯宮未致可
封之化而今卿等表賀如斯朕之菲虛何以克
任况復神無常祐惟德是依瑞無常臻因化呈
象故寶祚之慶在道不在神天下之平惟人惟
瑞但使丹富騶虞之相非求水伯之榮光朝盈
鴻漸之英何用波臣之耀彩卿等宜叶濟臣以
助薰風嘉祥之美情所未時是日太政官牒送
在唐天台宗留學問僧圓載其辭奉勅省圓載
攸歎客服變更心夏艱阻然自強不息乞留數

年元^ラ人心也皆戀^フ鄉土非敦^{キニ}求法誰樂^ニ遠偏事
須^ク遂^テ其實歸^ラ不厭^ル年深又風潮万里賈獻遠臻^リ
物豈^ニ在寄^{スニ}唯嘉^ニ乃情宜^ク因于遠成等還次^ニ令知^ス
此意裁賜^テ金物以充^テ旅資者准^リ勅聽^ニ更任^ス數年^ニ
兼賜^フ黃金一百廿兩宜領^ス之○甲午左大臣藤
原朝臣重上表請減食封^テ天皇許^レ之○乙未大
臣以下重詣^テ朝堂上表曰臣常^ラ等言^ス臣聞^ク皇乾
韞^ニ瑞以不虛見^エ為珍^ト后土藏^ニ祥以不妄應^セ為貴^ト
聖人觀^テ之以開曆^ヲ哲后奉^テ之而衆命^ニ命^ハ不可以^レ
乖道^ハ不可以^レ曠^テ龔^テ行之典^ハ千古無^ク德^ニ交除^レ之誤^ト
百主不易^ラ伏惟^ニ皇帝陛下推^テ切^ク不宰^ラ應^ル物為^ニ
心簡^ニ庶事於人^ニ謀順^テ逆必取^リ引^テ四時於已^ニ任德^ト
刑同^ニ施仁以泣^キ辜義以斷^ス恩飛^ニ沉所樂^ク玄盛^ニ急^ニ
於置郵^{ヨリ}幽明所符^{カテ}神物切^テ於推轂^{ヨリ}今脩^ニ其所感^ス
神龜自臻^テ藏^ニ采千載獻^ニ狀一朝上天既^ニ不違^レ陛下^ニ
下^ニ陛下何^ク不奉^セ天時而情存^ニ損挹^ヲ推^テ而不居^ラ志^ト
執^ク鳴謙抑^テ而不當^ラ臣等以為^ニ日中則暝^ス時至^ニ則^キ
行^ハ務當^ニ在於及時事安^ニ俟^テ終日豈^ニ使^ニ祥符^ヲ顯慶^ス

沒而無聞，應會昭彰，廢而不記，實恐天謝致貺，
 有時不來，地倦至符，自我而絕，替天之命，失民
 之望，臣等區區，深所未喻，不任慙歎，之至重詣
 闕拜表，以聞。後式部省及僧經等，抗表賀白龜，
 瑞。○丁酉，勅曰：陰陽寮申云，今茲秋雨，應為害
 者，若不豫防，恐損年穀，宜令五畿內七道諸國，
 奉幣於名神，以防止雨害。○庚子，改美和十五
 年為嘉祥元年。下詔曰：玄枵丹軸，通上靈以
 凝禎祥，津伯鱗宗，魚暢潛貺，以廢祉庸，虛名為

巨瑞，千載而稀，一遭謂為四靈百王之所同貴，
 近有太宰府獻白龜，所管豐之後國大分郡，擬
 少領膳伴，公家告於寒川石上，得之公卿上表，
 曰：孝經援神契云：王者德澤洽，則神龜來，孝道
 行，則地龜出。熊氏瑞應圖云：王者不偏不黨，尊
 用耆老，不失故舊，德澤流洽，則靈龜出。後魏書
 云：冀州獻白龜，王者不私人，以官尊耆任，舊無
 偏無黨之瑞，依據圖牒，實合大瑞。朕自君臨赤
 縣，子愛蒼眈，勞厓體於萬機，空成胝胝，而被革

臆於億兆遂慙勳華何以副上玄之神契應幽
贊之冥符故抑而不宣勅斷慶賀而同稱靈應
重表慙懃朕不忍閑距反覆念之昔王伴任貶
儒言以為溢猶謂麟鳳之類難萃唐太宗嫌瑞
物以為謙仍令龜龍之流依舊况皇天之意唯
欲愛人介福之臻豈獨在予當是上賴宗祧之
冥祐下緣台輔之懃誠使蠢蠢含生同驤首於
壽域茫茫率土共開懷於仁風宜播茲雷雨與
天下惟新其改隸和十五年為嘉祥元年自今
日昧爽以前大辟以下罪無輕重未發覺已發
覺未結正已結正繫囚見徒咸皆赦除但犯八
虐故殺謀殺私鑄錢強竊二盜常赦所不免者
不在赦例令天下無輸今年田租之半又復徭
役十日若已役者宜折來年大分之郡嘉瑞攸
出令免今年田租其獻龜人叙正六位上給物
准例內文武官主典已上加位一級但正六
位上者廸授一子若無子者宜量賜物五位已
上為孫年廿已上者亦叙當蔭之階天下老人

及僧尼八十已上者節級賜物輟寡孤獨不能
 自存者量加賑恤孝子順孫義夫節婦旌表門
 閭終身勿事早先替衣而施莫致掛壁之譏大
 臣就八省院○辛亥地震是日聖躬苦熱誦經
 諸寺○壬子地震○甲寅聖體平復○乙卯以
 權律師真紹為正大法師真雅為權律師右衛
 門南町民家失火延燒數十烟△秋七月戊午
 朔己未奉幣帛於松尾賀茂上下社賁布祢雨
 師社以祈甘雨勅准西市司賜東市印一面○
 辛酉右京人蔭孫正六位下豐野真人澤野兄
 弟姊妹十人賜姓高階真人天淳中原瀛真人
 天皇之苗裔也○壬戌從五位下藤原朝臣秀
 雄為大監物從五位下大神朝臣宗雄為安房
 守○癸亥請百僧於八省院轉讀大般若經以
 祈甘雨○甲子有颯風起自春興殿庭轉至紫
 宸殿東北頭更經清涼殿東便向右近衛陣鯨
 揚炬屋離地數尺到版位前披靡悉摧○丁卯
 奉幣帛於伊勢太神宮及賀茂上下松尾社並

神位

告依瑞改元兼令祈防水旱也○壬申是太上
天皇國忌日也令公卿已下設齋於廣雄山寺
兼請律師實敏大法師願勤道昌光定等於清
涼殿令講法華經竟施物有差○甲戌勅曰頃
者太宰府進白龜檢之圖典實合大瑞自非神
明靈應之佐豈獨致希代之貺宜奠幣五畿內
七道諸國天神地祇賀彼賽報○丙子遣公卿
等告白龜瑞於十二諸陵焉○壬午奉授正四
位上今木大神從三位從五位上古開神久度

同上系官社

神並正五位下死位合殿比咩神從五位下○
癸未棲鳳樓閣道有死人枯骨之連綴不辨男
女工匠修理之次登閣上而見者矣○甲申因
幡國法美郡死位字倍神奉授從五位下即預
官社以國府西有失火隨風飛至府舍將燔國
司祈請登時風輟火滅靈驗明白也○乙酉出
雲國飢賑給之○丙戌雷電非常霹靂于東西

東西京災

二京凡十一處木工寮倉東市司樓治部卿賀
陽親王家屋伊都內親王家屋中務卿源朝臣

洪水

定家屋右馬頭藤原朝臣春津家近江守藤原朝臣岳守家屋弘文院屋自餘三處小民宅者不足具記△八月丁亥朔己丑雨降通宵不止○庚寅雨勢如倒井終日不息○辛卯洪水浩浩人畜流損河陽橋斷絕僅殘六間宇治橋頓損茨田堤往往墮絕故老僉曰倍于大同元年水可四五尺○壬辰遣左大臣檢非違使及看督近衛等巡察京中被水害者兼復遣左衛門佐從五位下紀朝臣道茂齎米塩賑恤之肥前

姓

國養父郡人太宰少典從八位上筑紫公文公負直兄豊後大目大初位下筑紫公文公負雄等賜姓忠世宿祿貫附左京六條三坊○甲午遣使攝津河內兩國巡檢於被水災者開便近倉庫賑給之○壬寅勅伯耆國會見郡路下土條荒廢公田百廿町去天長七年賜有智子內親王家宜割八十町賜親子內親王○甲辰紀伊國言牛一產三頭牛○庚戌大僧都傳燈大法師位明福遷化法師俗姓津守宿祿氏右京

三頭牛

大僧都明福遷化

人也故大僧都傳燈修行賢大禪師賢環之門徒也天性聰悟訪道不倦延曆十年得度住興福寺唯識之宗法相之理無疑不決罔義不窮昔維摩會及八省講師等忽然有病不能昇座大衆僉推法師而為座主於是法師敷揚義理辨折衆疑闔坐悅伏稱為法將復觀施之物元來不蓄巾鉢之外咸以分散天長兼和之間頻經擢拔登大僧都位其後終于所居寺時年七十一〇壬子以從五位下南淵朝臣穎守為大

炊頭從五位上清滝朝臣河根為大和權守從五位下文室朝臣有真為近江介從五位下佐伯宿祢雄勝為信濃介從五位下橘朝臣春成為能登守〇甲寅奉授下野國正五位上勲四等二荒神從四位下餘如故△九月丁巳朔戊午青鷺集紫宸殿南庭版位下〇乙丑重陽節也天皇御紫宸殿宴于公卿及文人如常是日同賦雨洗白菊以應製宴訖賜祿〇乙亥令鑄新錢下詔曰觀夫洞八連三重規疊矩莫不交

新錢長年大寶

易以強國代遷以利民故鷹揚神文立九府之
曰經龍相天人施五銖之異制象乾坤之方圓
同川岳而流積無遠不往無深不臻便用輕通
家國同利但輕重有異子母相通影入星榆形
圖水荇用捨之端無定小大之變隨時今者天
賜嘉祥曆改年号若使銖文貨制仍舊不悛恐
乖變通之規式罹流弊之咎宜改舊貴於息銖
磨新彩於金刀文曰長羊太寶一以當舊之十
新之與舊並用雜行將令用而不倦既富之而

僧任

教之是日遣左中辨從四位上藤原朝臣嗣宗
治部少輔從五位下藤原朝臣正世外從五位
下山代宿祢氏益六位判官四人主典四人等
令築茨田隄○丙子以少僧都延祥為大僧都
律師實敏為少僧都權律師真雅為律師大法
師安戒為權律師○辛巳從五位下坂上大宿
祢當宗為陸奥介鎮守將軍如故△冬十月丁
亥朔天皇御紫宸殿宴侍從已上賜祿有差讚
岐國言三野郡人從四位上九部臣明麻呂年

二十

卅戶主外從八位上己酉成男也齡十八歲入
都從官遂効勞績被任當郡大領即讓己職於
父自守子道孝養二親己酉成老致仕親母亦
老各別宅相去十里明麻呂朝夕往還定省年
久春其孝行在昔曾參不可獨賢望請准據法
式以被貢舉者勅宜叙爵三階終身免戶內田
租○辛卯行奉神泉苑○癸巳地震○丙申上
御內裏射場賜錢有差○己亥地震○庚子聖
躬不豫遣使誦經於京城七箇寺○丙午地震

神位

○戊申行奉神泉苑轉奉北野遊獵○壬子奉
雙岳臨池放隼△十一月丁巳朔戊午奉授筑
後國正五位下高良玉垂神從四位下山城國
无位櫟谷神從五位下○己未下野國言藥師
寺者天武天皇所建立也體制巍巍宛如七大
寺資財亦巨多矣坂東十國得度者咸奉之於
此而只有別當无講讀師令國講師勾當雜事
求諸故實未覩所由望請准太宰府觀音寺簡
擇戒壇十師之中智行具足為衆所推者充任

已未條類聚三
代拾芥二宮符
之文有

講師便為受戒之阿闍梨。勅講師依請任之。但讀師臨事次第充用。彼寺僧中智行備者別當之職。早從停止。○辛未大和國吉野郡大領吉野連豐益依政績有聞借授外從五位下。○壬申隱岐國伊勢命神預明神例緣屢有靈驗。△十二月丙戌朔散位從四位上長聖朝臣成卒。○丁亥地震。○己丑刑部少輔和氣朝臣齊之依犯大不敬當絞刑。勅減一等流伊豆國。○丁酉制權任國司并史生博士醫師秩滿不待下符直令去任。唯獨為長官者待受領之人。○庚戌勅從四位上正躬王從四位下伴宿祢成益從五位上藤原朝臣豐嗣等先罹疎網下于秋官憲法所當理存不忍今星曆已用息波蕩滌宜脩舊典降先一等叙之。正躬王可從四位下成益從五位下豐嗣從五位下。○甲寅遣使奉幣香椎廟其由不詳。○乙卯大判事外從五位下讚岐朝臣永直坐和氣齊之事配流土佐國。是日能登國馳驛奏渤海國入覲使王文矩等

丁百人來着矣スト

續日本後紀卷第十八